

पीरजी आप थका कीने धावा,
दोहा लीलो घोड़ो नवलखो,
और मोतियों जड़ी रे लगाम,
पिछ्म धरां रा बादशाह,
गढ़ रुणेचे रा श्याम ।
धिन ढाणी धिन देवरो,
धिन हैं रुणेचो गाँव,
भला पिछ्म में प्रगटिया,
ज्यारो नव खण्डों में नाव ।
हरजी री सुण विनती ओ,
आयजो रामापीर,
परचो मांगे राजा जी,
म्हाने किण विध आवे धीर ।

पीरजी आप थका कीने धावा,
किणरी पोलिया आगे,
करूँ मैं विनती,
किण ने दुखड़ो सुणावा,
आप थकां कीने धावां रे ॥

पर बिना पाँख,
पंखेरू किया उडे बाबा,
किया रे वच न पावां,
जळ बिना मछली,

किण विध जिये बाबा,
जल रे कठे सू लावा,
आप थकां कीने धावां रे ॥

राजा विजय सिंह परचो मांगे,
परचो मैं कीकर दिखावा,
आणो व्हे तो आज्ञा रामदे,
जहर खाय मर जावां,
आप थकां कीने धावां रे ॥

नव मण घास घोड़े आगे रालियो,
घोड़े ने किया चरावां,
राजा विजयसिंग यों फरमावे,
घाणी में घाल पिलावां,
आप थकां कीने धावां रे ॥

घोड़े हींच करी गढ़ पोलिया,
जोधाणो दियो रे धुजावा,
हाकम हजारी बाबा पाये पड़ियो,
जन्म जन्म गुण गावां,
आप थकां कीने धावां रे ॥

राजा विजयसिंग यूँ फरमावे,
बाबा जोधपुर देवरो छुणावा,
पण्डित जी री ढाणी हरजी थाने देदो,
ताँबा पत्र दिरावा,
बापजी आप थकां कीने धावां रे ॥

बापजी आप थका कीने धावा,
किणरी पोलिया आगे,
करूँ मैं विनती,
किण ने दुखड़ो सुणावा,
आप थकां कीने धावां रे ॥

गायक- दारम सा पंवार ।
प्रेषक रामेश्वर लाल पंवार,
आकाशवाणी सिंगर ।
9785126052

Source:

<https://www.bharattemples.com/pirji-aap-thaka-kine-dhyava-ramdevji-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>